



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Epiphanivs Ep. 12. Maii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

narios Cæsaris oculos rapuit, qui tamen præter oris formam nihil intuebatur. Ergo blanditias primùm admovit, infantulum appellitans, & filii nomen offerens, si se patrem, & Iovem habere Deum voluisset. Vtrumque contempsit, & Iovem quidem generosissime, negans tam puerum esse se, ut adulterum, & sororis suæ maritum sibi putet adorandum. Diocletianus ne plura audiret æquè erubescenda, iussit hunc omnis elegantix florem demeti, cuius sanguine utinam Mariani rigentur horti; ô quales nascentur Narcissi!
Ex Surio & Brev. Rom.

S. EPIPHANIVS EP. 12. Maii.

Iuvat suavitatem divinæ circa teneram lætatem providentiæ in EPIPHANIO agnoscere. Is Phoenix gente, sectâ Iudæus, patrem decennis amisit. Accedente ad orbitatem egestate, equum indomitum à matre iussus vendere, vitium ejus clam non habuit; donatus ob candorem liberaliter etiam in Christianum incidit Cleobium nomine, cuius aspectu efferatus equus EPIPHANIVM excussit, felici casu; Cleobius enim, invocato Christi nomine, afflictû erexit, calcitronem occidit: ea prima scintilla pectori incidit I E S V olim amore arfuro; sed nimirum eam facile Tryphon suffocasset Hebræorum antesigna-

signanus, qui EPIPHANIO adoptato, eundem sibi generum desponderat, ægrè ex his pedicis extricandum, nisi eas Tryphonis & filix mors incidisset. Cōmodum deinde equitanti Lucianus Monachus se obtulit, qui ad pauperis preces, veste se exspolians, extemplo togam puram è celo accepit. Et causa EPIPHANIO fuit, ut se homini imbuendum permetteret, Numine tam propitio, ut Episcopus ad Iustrium fontem properantis vultum radiare, coronamq; imminere capiti cerneret. Latis initiis vita omnis consentanea fuit. Famem, sitim, morbos, dæmones, mortem, ceteraq; orbis mala nemo eo potentiùs coërcuit. Hæreses pestem his omnibus capitaliorem filo confixit. Miretur viventis miracula juvenus, unū modò, quod iam exanimis edidit, imitetur. Improbum hominem, nudum corpus inspicere tentantem, calce à se repulit, verecundiæ etiam post mortem retinens, quæ hodie ferè omnium virtutum prima moritur. *Ex Metaphr.*

S. ALEXANDER M. 13. Maii.

NOS, quæ te voce possumus, Christiane miles, excitamus; ALEXANDRVM enim ad certamen pro fide subeundum Angelus animavit, & adversus Maximiani tormenta invictum præstitit. Sed & Pamenia mater, raro
in